

泉州府志

第二十册

卷之四十一至
卷之四十二

泉州府志卷之四十一

人物列傳

唐以前泉州人物遠不可考其可滿者始於貞元年間
歷宋而元而明莫不彬彬輩出我

國家累治重熙賢才奮興尤爲極盛其間千數百年學
問事功文章氣節前後相望考隆慶萬曆二志皆以
人物統之夫四謂刻其事蹟自可意會毋庸過爲區
分第卷帙繁多則義類查考爲難至各省通志多
分標儒林名臣而屬郡邑志原本宋史間有理學之

身外月記 卷之四十一
一
稱顧體用一原其中衆美咸該一端難竟者良不乏
人而所遇不同亦似難以專指也今取自唐以來逐
一搜輯有若經術湛深勳猷彪炳憲譔克同天日介
潔獨凜冰霜凡茲往昔菁華咸編不復多立名目按
籍求之偏全淺深分量自有較然不爽者此外則各
從其類燦若列眉義各有取爾矣志人物列傳

唐列傳

歐陽詹

價

游

歐陽鉅

李翱

謝脩

歐陽詹字行周晉江潘湖人父溫州長史兄暮安固丞晉
潮州司倉詹自幼卽不與衆童狎每見河山景色心獨
喜之常執一編忘歸未解文字輒隨人而問或有契心
移日自得吟嘯不止自此操筆屬詞率人所未到建中
貞元之時其文詞崛興甌閩之間惟知有詹也與羅山
甫同隱潘湖會故相常袞爲閩觀察使詹往見大奇之
特加推拔比爲芝英有作輒如歎賞宴集必延致同席
及辭歸泛舟飲餞詹之聲騰江淮達於京師矣貞元八
年陸贄知貢舉詹登第第二人與韓愈李觀李絳崔羣

王涯馮宿庾承宣皆天下之選人號爲龍虎榜詹授四
門助教時韓愈爲徐州從事朝正京師詹將率其徒伏
闕下舉愈爲博士又昌言明何蕃爲仁勇論者謂唐自
助教設官以來善舉其職者無踰于詹未幾卒年四十
餘詹事父母孝與朋友信義其卒也崔羣哭之甚韓愈
爲哀詞李翱爲傳有文集十卷刻在郡齋李貽孫序之
謂其新無所襲才未嘗困精於理故言多周詳切於情
故敘事重複宜司當代文柄以變風雅集中與邑士王
式書稱州里從遊之士如吳播薛壽鄭簡康暉王雲卿

與式皆博雅明達君子其文行皆不可考初徐晦舉進士不中詹數稱之明年高第仕爲福建觀察使語及詹必流涕子價居南安有文早死孫澥能詩娶婦經旬赴舉離家幾二十年中和初韋中令訪知澥寓漢南遣書襄帥劉巨容待以厚禮大宴於府幕旣撰日邊路一夕卒從子柅

舊志象唐書閩書八閩通志

歐陽柅字降之晉江人詹從子工文詞開成三年進士吳人陸滂自右拾遺棄官歸隱名除司勳郎中旣至無所建明柅遺書讓之其言切直人擬之爭臣論滂得書棄

官還拒名益聞里人蕭本妄稱與貞獻太后親屬恩寵
赫然拒恥之會澤潞劉從諫表拒在幕府拒爲辯質蕭
本之僞本竟得罪後從諫子稹拒命私方假還稹表指
斥時政或言拒所爲詔流崖州賜死臨刑神色不撓爲
書遍謝故人自誌其墓人皆憐之里人李郁哭以詩曰
身死爲修劉稹表名高因讓陸洿書

舊志叅唐書閩書

李稠晉江人以明經開成三年第進士爲御史以耿直稱
李紳按吳湘盜官錢娶民女佔其資裝爲贓論死稠與
崔元藻覆按平反之拂時相李德裕意貶汀州司戶後

歷官工部尚書鄜坊靈武易定三鎮節度使

舊志參閱書

謝脩字升之同安人自廣明西幸人多忍恥仕北獨脩遁跡俟光啓迴鑾廼出登文德元年進士第脩詞藻過人

時輩推許所居之山因名文圃

舊志

朱列傳一

曾會

陳從易

曾公亮

蘇頌

曾孝寬

莊公岳

柯述

張讀

曾孝蘊

韓謹

曾懷

傅自得

曾會字宗元晉江人端拱二年進士第二人廷試日未及
卷上奏御時蜀人陳堯叟亦有俊譽上覽二人文藻敏
給不相差亞釋褐並授光祿寺丞直史館謁告還朝以
親老願補郡遷殿中丞知宣州進士起家之榮前後未
有也祥符末由三司判官出爲兩浙轉運使丁謂建錢
塘捍江之役以發運使領其事要瑄涖之發卒萬餘斬
大伐石傾蕩山谷中外無敢言者會已解漕職奏列其

狀有旨中罷歷真宗仁宗世凡出入四十五年典領七
郡止刑部郎中集賢殿修撰知明州卒贈楚國公子公
慶公亮公度祥符八年進士

舊志

陳從易字簡夫晉江人端拱二年進士爲嵐州團練推官

調彭州王均盜據成都連陷綿漢諸郡彭人謀殺兵馬
都監應之從易攝州事擒斬首謀飭將吏嚴城守積薪
舍後戒家僅曰守而不支薪焚我矣賊聞有備去召爲
祕書省著作佐郎遷太常博士出知邵武軍專務德化
改監察御史各對便殿命賦瑞雪援筆立就真宗嘉獎

改直史館知虔州歲飢有持杖盜民穀者請減死論生
者千餘人歷湖南轉運使徙知荆南擢太常少卿直昭
文館知廣州遠俗安靖璽書褒美加三品服先是從易
在京自請福州未行遭父喪諸公贈賻一無所拒及自
廣州北還不蓄南物獨載俸錢過嶺以償贈賻及頒宗
族之貧者仁宗聞擢左司郎中飛白清字賜之與楊大
雅同知制誥初景德後文士相尚雕靡從易與大雅獨
守不變朝廷欲矯文弊稱二人好古篤行故並進以風
天下兼史館修撰遷左諫議大夫命使契丹以老辭職

請補郡進龍圖閣學士知杭州卒從易爲人激直少容
喜別白是非多面折人宰相寇準嘗惡其疎已除吉州
及寇準貶道州丁謂語從易曰廬陵之事可以釋憾矣
對曰當以故相之禮待之謂有愧色其志行類如之元
豐中神宗問蘇頌卿母誰氏頌以從易女對帝曰天聖
閒學士耶頌因言從易知廣州不蓄南物事帝曰清節
過焉援矣著有泉山集中書制稿西清奏議

舊志參宋
史闕書通

志廣東通志

贛州府志

曾公亮字明仲晉江人會子少客京邸有客泣隣舍甚悲

公亮問故客歛歛久之曰適負官錢鬻女於商分途有
日愴難割耳問其直曰四十萬公亮曰商人轉徙無恒
何如鬻我客曰所甘心也公亮如數與錢約口登舟客
如期往解纜者三日矣天聖二年進士第五人知會稽
縣民田鏡湖旁每患湖溢公亮立陡門泄水入曹娥江
使不旁溢田以獲利入爲國子監直講改諸王府侍講
歲滿當用故事試館職獨獻所爲文授集賢校理天章
閣侍講知制誥兼史館修撰爲翰林學士判三班院三
班吏叢猥受賕貴游子弟多倚勢請謁公亮撥前後立

程視以從事吏無所容奸以端明殿學士知鄆州盜悉竄他境夜戶不閉人稱曾開門有使客亡橐移書詰盜公亮報吾境無盜殆從者之謬耳索之果然復入爲翰林學士知開封未幾擢給事中叅知政事加禮部侍郎除樞密使嘉祐六年拜吏部侍郎同中書門下平章事集賢殿大學士公亮更踐久明習朝廷臺閣典籍首相韓琦每咨訪焉仁宗末年與琦共定建儲之議英宗卽位加中書侍郎兼禮部尚書尋知戶部尚書帝不豫命公亮宴遼使于館使者不赴公亮責之曰錫宴不赴是

委君命于草莽也人主有疾必使親臨於使安乎使者
廼就席神宗卽位加門下侍郎兼吏部尚書熙寧二年
進昭文館大學士累封魯國公以老避位三年九月拜
司空兼侍中河陽三城節度使集禧觀使明年起判永
興軍先是慶卒叛既伏誅而餘黨越佚自陝以西皆警
備舉措張皇公亮一以靜鎮之專務裁抑冗費長安豪
喜造飛語聲言營卒謀元夕結外兵爲亂邦人大恐公
亮張燈與賓佐驪會竟夕卒無他變居一歲還京師旋
以太保致仕元豐元年卒年八十帝臨哭輟朝三日贈

太師中書令諡宣靖配享英宗廟及葬御篆碑首曰
朝顧命定策亞勳之碑子孝寬孝純元孫恬慥懷從子
孝廣孝蘊孝序從孫誕註其四世孫從龍用虎治鳳

案宋史闕書

浙江通志

蘇頌字子容同安人紳子登慶歷二年進士第知江寧建
業承李氏後稅賦無藝每發斂高下出吏手頌因治訊
他事互問民鄰里丁產得其詳及定戶籍民自占不實
者頌曰汝有某丁某產何不言民皆駭服不敢隱遂剔
蠹成賦簡而易行諸令視以爲法至領其民拜庭下以

謝民有忿爭諭以鄉黨宜親善往往謝去或半途思其
言而止調南京畱守歐陽脩委以政曰子容處事精審
一經閱覽吾可無省矣時杜衍老居睢陽見頌深器之
曰如君直所謂不可得而親疎者皇祐五年召試館閣
校勘同知太常禮院議立郭皇后神御殿事謂郭后無
可廢之罪仁宗有不當廢之悔宜耐郭后於后廟而加
一懷哀愍之謚庶不爲逼曾公亮深歎服之遷集賢校
理富弼與韓琦爲相同表其廉退知潁州仁宗山陵調
發倉猝爲度土產有無高估緩期官自爲市民不知擾